



## **Paraenesis De Eleemosyna**

**Alardus <Aemstelredamus>**

**[Köln], 1545**

**VD16 A 1250**

Illustri cvm primis, Generosoq[ue] Viro, Domino Georgio a Seina, ex Comitibus Witgenstein, diuorum Gereonis ac Apostolorum Præposito, Archigrammatæo, seu (ut uukgo fertur) Capellario Metropolitanæ ...

---

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)

**ILLVSTRI CVM**  
primis, Generosoq; Viro, Domino Ge-  
orgio a Seina, ex Comitibus Witgens-  
stein, diuorum Gereonis ac Apostolorum  
Præposito, Archigrammateo,  
seu ( ut uulgo fertur ) Capellario Me-  
tropolitanae Colonien. Mecœnati  
suo candidissimo, Alardus  
Amstelredamus S.P.D.



**VNQVAM** æque  
ac modo Eleemosyna  
uir ingenue, spectatq;  
& scientiæ & pietatis,  
opus uideri poterit, &  
uarium & difficile. Siue  
quod ut in uita & ora-  
tione, sic in eleemosyna  
nihil sit difficilius, q̄  
quid decet uidere, *πρότιον* appellant hoc Græci,  
nos dicemus sane decorum. Huius ignoratio-  
ne, quomodo in uita, sic sæpissime in eleemo-  
syna peccatur. Siue qd pleriq; omnes censeât,  
nullum prorsus habendum pauperum delectû,

mi nimeq; curiose scrutandum cui quid eroges. Atq; in hac opinione fuisse uidemus Salomonem in Ecclesiaste, Chrysoftomū, & multis in locis Augustinum, cumq; his innumeros alios. Alij longe diuersa sentiunt: quorum est Hieronymus potissimum. Siue quod non parum multi Hierochonta collapsam ab integro instaurantes, hoc est, ueterem Vigilantię hęresim renouantes, more suo pertinaciter contendunt non esse faciendam communicationem in paupes, quamlibet alioqui sanctos, sed ignotos, sed longe distitos, uerum probe cognitos, uicinos, atq; adeo una nobiscū degētes. Ei sententię refragantur Apostoli Paulus, & Barnabas, Hieronymus, Augustinus, atq; Gregorius. Siue quod aduersarij nostri plus ausi, quam ut tolerari ignosciqu; debeat, æditis etiā libris nusq; nō uel ad nauseam usq; inculcant, Ecclesiasticis illicitum esse possessiones, redditus, prædiaq; & alia bona ppria habere, sed ea in usum pauperum nolint uelint eroganda. Vnde præcipuā tumultus originem, odiq; plusquam Vatiniani seminarium in Clerum promanasse in confesso est, hodieq; in popularibus Lutheranorū concionibus immane quantum propagetur. In quibusdam auditorum simplicitati illudere nituntur, suę fidei, imo perfidię illuserunt. Siue

quod quidam constanter asseuerant nonnullis  
non ualidis mendicantibus etiam pijs<sup>issimis</sup> sub-  
ueniendum esse, sed cæcis, claudis & debilibus  
euangelicis, ac nullis præterea: qua in re Mani-  
chæi, Armachani, Vuicclesus & Lutherus, ut in  
omnibus alijs, aut fere omnibus, plane sunt  
ἀμόλογοι, hoc est, eiusdem sententiæ. Usq; adeo  
enim semper aspis à uipera uenenū mutuatur.  
Catholicis autem horum Hæresiarcharum  
opinio neutiquam probatur. Siue quod quem-  
admodū Manichæi pauperibus catholicis elee-  
mosynam negabant, & nullis nisi suę turbę ho-  
minibus ministrabant: ita & huius temporis  
heretici neminem quemq; pauperum susten-  
tandum esse contendunt, nisi steterit à factione  
Lutherana, hoc est, cū insanis insanierit, et cum  
impijs impius fuerit, & cum peruersis peruer-  
sus fuerit. Siue quod ingratos homines pigeat  
reddidisse, quod gratis acceperunt, & fidelium  
more debitorum æs alienum cum ipsa etiam  
usura persoluere. Siue quod iam nunc multos  
peruasit ista persuasio, quod opinentur ob in-  
gratorum turbam in totum relinquendam esse  
eleemosynā. Siue quod in administrandis pau-  
perum eleemosynis accuratius expendendum  
sit, nō modo quid ~~elargiatur~~, uerum quibus, qua  
~~ratione~~, quo quidq; loco, tempore, qua occasio-

ne, deniq; quatenus: Siue quod pleriq; omnes  
scioli (qua sunt arrogantia) fastiditis scholasti-  
corum distinctiunculis, de superfluo, deq; ex-  
trema necessitate, & alijs id genus circumstan-  
tijs in eleemosynarum ratiōe considerandis, et  
hunc quoq; impegerunt errorem. Siue quod  
pleraq; de eleemosinis ueterum commentarijs  
prodita, inter consilia ponenda esse puto, non  
inter præcepta, & ob id in hanc partem fuisse  
uehementiores, q̄d illorum ætate, iam labascēte  
uera clericorum pietate, magna pars ad mun-  
danum factum & ad diuitiarum cupiditatem  
esset propensior, cum propriæ sacerdotū diui-  
tiæ sint coelestes, non terrenæ. Multa adhuc ac  
propemodum infinita est diuersitas: quæ qui-  
dem res nos commouit, ut partim è Biblijs  
sacris, partim è medijs ueterum commentarijs  
ad hoc institutum idonea deligentes, compen-  
diariam eleemosynarū rationem proponere-  
mus: nō id quidem conantes, ut hisce contiun-  
culis rem omnem absolute complectamur, sed  
çdito ueluti commentariolo, doctis ac studio-  
sis uiam aperuisse contenti, quasiq; siluam quā-  
dam operis futuri subministrasse. Quicquid  
autem hoc est syluæ, tuo tibi iure uindicato. Et  
quid ni uindices uero? posteaquam non opi-  
nor uiuere quenquam mortalium, qui æque q̄

tu natura fictus ac sculptus sit ad eleemosynā  
συνπράθια & hospitalitatem. Qui ob singularem  
φιλοξενίαν ad te omnes homines attrahis, perinde  
ac cæcias nubes. Qui iure optimo cum Iob  
poteris dicere: Foris non mansit peregrinus,  
ostium meum uiatori patuit. Et si semper hos-  
pitalissimus amicissimusq; literatorum uirorū  
existimatus esses, noluisti tamen ab ipso statim  
Lutheranismi exortu, uideri ullos nisi pios &  
incorruptos, sciens, in domum tuam recepisse.  
Ad hæc, cum multis nominibus collegium tuū  
soleo mirari, tum maxime in hoc, quod te au-  
thore non ausit à maiorum institutis, uel latum  
digitum recedere, quod ex his fontibus mana-  
re soleat omnis rerum Ecclesiasticarum perni-  
ties. Atq; utinam sic ubiq; ut ab amplissima ea-  
demq; honestissima familia, Comitum à Vuir-  
genstein, pestilentissimū hoc Saxonicum Euā-  
gelium de repente profligatum est, immane  
quāto minus tumultuaretur Germania nostra,  
tam nunc multo turbatissima, q̄ olim pacatissi-  
ma. De his quæ miranda gesserunt solemus di-  
cere: In cæteris uicit omnes, in hac uicit se ip-  
sum. De te fas erit simile quiddam dicere: In  
omnibus factis tuis incomparabilis es, & in-  
imitabilis, in eleemosynis & hospitalitate supe-  
ras te ipsum: Nullam autē uirtutem ita attol-

lunt in te, ut hospitalitatem. Profecto, si Præ-  
positorum gloria est pauperibus & peregrin-  
nis providere, quis te uno in hac parte poterit  
esse gloriosior? utpote, qui totus es hospitalis:  
qui imitans Abraham, cum peregrinis Christū  
suscipis: qui hoc es peregrinis, quod Abraham  
& Loth angelis fuerit: quod Laban seruo Abra-  
ham: quod Siba seruus Miphiboseth Dauidi in  
persecutione: quod uidua Sareptensis Eliæ: quod  
Elizeo mulier magna apud Sunam: quod Simō  
Coriarius Petro. Breuiter, quod Micheas ille  
uir per humanus Leuitę Bethlæmitico. Quod  
si is tantopere laudatus est, ob unum quē aluit  
sacerdotem peregrinum, quibus te laudibus  
in cœlum feremus, qui tot passim alii sacerdo-  
tes studiosos? idq; non minus in patria, quam in  
aliena regione. Bene ualebis integerrime,  
uigilantissimeq; D. Præpositæ,  
Christo seruatori com-  
mendatissimus.

Coloniæ, Calend. Decemb. Anno à Christo  
nato, M. D. XLIII.